



D HEN

RICI GLAREANI
 POETAE LAVREA
 TI DE GEOGRA-
 PHIA LIBER
 VNVS.

BASILEAE, ANNO
 M. D. XXVII.

SVACVIQZ
 MINISTRO

CONSILII VER
 VM SPECVLO

PRUDENCIA

PRUDENCIA

SPES

MIHISPETA
 VOLVPTAS.

FIDES

CHARITAS

NOBIS FRONDESSO
 GLOVETIF
 BAR BRQ-REBT

LIBRARY

CLARISSIMO

POLONIAE BARONI, D. IOAN-
NI A' LASKO, DECANO ET
Administratori Gnezneñ, &c. GLA-
REANVS S. D.

I NTER DISCIPLINAS LIBE-
rales, quæ citra controuersiam plurimum adferunt uti-
litatis uitæ mortalium, Ornatisime uir, mea quidem sen-
tentia præcipuus locus debetur Geographiæ, non tantum
ob id, quod absque hac cæca est omnis ueterum autho-
rum lectio, surda rerum gestarum narratio, uerum etiam quod in publi-
cis consultationibus, in que dirimendis controuersijs, quoties de ditioris
finibus ambigunt principes, uel fideli consilio, uel æquo iudicio iuuat ci-
uitatem. Nihilò secius interim et in priuatis actionibus plurimum con-
ferens & commoditatis, & uoluptatis. Eo que prisca illis cæteræ disci-
plinæ disci solent, hæc etiam edisci: id que protinus à teneris, ut aiunt,
unguiculis. Hoc igitur operæ suscepi, partim quod uiderem fatali qua-
dam calamitate, pessum ire quicquid est liberalium disciplinarum: par-
tim quod hæc ars sic est à superioribus prodita, ut uel difficultate uul-
gus deterreant, uel rerum confusione, lectorem non institutum huius disci-
plinæ principijs ita circumagant, ut semper discat, perdiscat nunquam,
ne quid interim loquar de ijs, qui tradiderunt, quod ipsi non intellexe-
runt. Nam ut Ptolemæi Geographiæ, summum huius negotij artificium,
non conuenit rudibus, ita multum erroris est in elenchis adiectis. Stra-
bo Homer

EPISTOLA DEDICATORIA. 2

bo Homericæ Philosophiæ admirator, ac diligens rerum omnium indagator, Chronographiam nobis uerius, quam Geographiam tradidit. Ipsius Procli sphaera nimis concisa est, & ad horizonta Græciæ non absque magna duorum circulorum confusione descripta. Ioannis autem à sacro busto, ut uocant, tractatus, in uniuersum quidem à me non reijcitur: quæ tamen de Parallelis, ac Climatibus scripsit, planè mutila sunt, ut in opere nostro demonstrabimus. Stephanus indicem descripsit, cui fidere multum non ausim. Et nominum mutilatio apud eum multam inducit obscuritatem. Deniq; ex Plinio, Pomponioq; Melæ, quid fructus feret, qui non imbutus huius disciplinæ rudimentis accesserit. De Macrobio, cæterisq; similibus, non habeo pronuntiare quid sentiam, cum multi eorum, ut penè ueteres omnes, in terræ situ aberrauerint. Quoniam autem iuxta Flaccum, cœpisse dimidum facti est, quo plures ad huius disciplinæ studium accenderemus, uiam aperuimus, ac semitam compendiariam commonstrauimus, quasi que filum porreximus, quo citra errorem ex aliorum labyrinthis sese lector possit explicare. Et si pateris, ut aliquid gloriosius de me ipso prædicem, quãquam arbitror hoc me uere posse dicere, sic in hoc libello me gessi, ut candidus lector confessurus sit, me nec temere, nec sine fructu lectorum, hanc post tot egregios scriptores suscepisse prouinciam. Cæterũ ut hoc, quicquid est lucubratiuncula tuo nomini dicarem IOANNES Lastanæ gentis, imò totius regni Poloniæ præcipuum decus, partim in causa fuit hortator, Magnus ille ERASMVVS Roterodamus: quem ego uirum cum ipsius maxime merito, ut parentem coluerim semper, plurimiq; fecerim, tamè longe charior esse cœpit, posteaq; animaduerti quanti tu illũ faceres: Partim, ut tuũ desyderiũ saltem hoc pacto lenirẽ: Partim, ut huic opusculo te uel iudicẽ præberes, uel p̄tectorẽ. Postremo, ut iuuetus tuo exẽplo prouocata, libetius hasce disciplinas amplecteretur.

A 2 quas omnes

EPISTOLA DEDICATORIA

quas omnes tu ista etate, ista nobilitate, tanto studio, & amplexus es, &
absoluisti. Nimirum non incassum praeluxit tibi Reuerend. in Chri-
sto Pater D. Ioannes à Lasco patruus tuus Archiepiscopus totius re-
gni Poloniae, ac ipsius Victoriosissimi, Illustrissimi que SIGIS-
MUNDI Regis oculus. Cuius praesulis animi dotes cum re-
censere audimus, cum uitam eius innocenter, ac uere Christianam,
non multum desyderare uidentur ueterum episcoporum exemplum,
nascentisq; ecclesiae lumina. Sed laudum iamdudum sat est. Glareanum
nostri, quam ingenue dicat quae animo sentit, minimeq; aliud in
pectore, aliud in lingua habeat. Vale literarum unicum
decus ac praesidium. Basilea ex Collegio no-
stro. Anno à natali Christi,

M. D. XXVII.